

HAJDE TE KHELAS

ERiac Khelimaski Kompeticija

te nevjaras thaj te Promovisaras o Barvalipe le Romane Khelimasko

PUTARDI APLIKACIJA

Hajde Te Khelas - ERiac Khelimaski Kompeticija akharel savore romane eksperturjen opral sasti phuv ando khelipe, miškimaski arta thaj koreografia, save khelen korkoro, ande dujende, vaj ande maj bare grupe te prezentisaren o virtuositeto thaj o diversiteto le romane khelimasko sikljardo katar jekh generacija ke aver generacija, kerindos aplikacija jekhe tikne khelimaske videosa.

Hajde Te Khelas si jekh khelimaski kompeticija kaj lel samate le maj lačen thaj si lan kadala kriterie:

- barvaljarel o tradicionalo danso, leske miškimata thaj forme;
- o virtuositeto le miškimasko thaj e ekspresia le emocijengi vaš o khelipe
- intencija le koregrafiaki thaj prezentacija
- autenticiteto le miškimasko andar varesave regionalo tradicije;
- nevobijanipe le romane khelimasko ande akanutni arta khelimaski thaj miškimaski

Bišal amenge tiro tikno video thaj **LE** jekh andar e prizurja ande celebracija le verver romane khelimaske tradicijengi vaš **Hajde Te Kelas - ERiac Khelimaski Kompeticija!**

O internacionalo eksperturjengo žuro si te alosarel 10 kaj si maj lače:

1-to PRIZO - 1500€
2-to PRIZO - 1000€
3-to PRIZO - 700€

Akalaver 7 finalisturja si te len **250€**.

O video kaj si les maj but dikhimata ando Facebook si te lel o **Prizo le Audiencako** kaj kerel **1000€!**

SAR TE KERES APLIKACIJA?

Rugisaras tumen te drabaren samasa e instrukcije:

- O video trebal te ovel les **maksimum 2 minuti** lungo;
- Khel korkoro, tire amalenca vaj tire familijasa;
- Sakojekh artisto šaj te kerel aplikacija toke jekhvar (jekhe videosa);
- O video trebal te ovel kerdo/ registrisardo pal i publikacia kadale kompeticijaki (pal o 8 Juni);
- E videourja si te oven thode ande ERiac-esko Facebook kanalo. De maj dur thaj mang o video te šaj lel le audiencako prizo!
- Mangas originalo kreacija;
- E videourja kaj si len muzika kaj mangel čačimata šaj te oven phangle automato katar o Facebook te na oven uštjavde e autorjenge čačimata, ama si te ačhjon maj dur ande kompeticija.

Bišal k-o ERIAC tire khelimaski registracija sar video ande jekh andar kadala kanalurja:

- Facebook messenger k-o European Roma Institute for Arts and Culture ERIAC
- Emailo xramosar k-o subjekto "HAJDE TE KHELAS" (eriac@eriac.org)
- WeTransfer (eriac@eriac.org)

Aver modurja bišalimaske našti te oven lile samate.

E videourja trebal te oven bišalde ži k-o 30 Juni 2020, 18.00 ceaso (CET)

VIDEO FORMATO: Bišal jekh originalo video (MP4 vaj MOV), o videourja kaj si ando youtube vaj ande aver link-urja našti te oven lile samate.¹

Kadaja informacija trebal te ovel bišaldi tire videosa:

- O anav le artistosko vaj le grupako kaj khelel;
- Tiri e-mailoski adresa;
- O foro/ gav thaj o them kaj bešes
- Sar bušol o stilo le khelimasko
- Informacije kaj tu žanes pal i origina vaj i tradicija le dansoski kaj tu kheles

Kon si te alosarel?

Jekh internacionalo žuro eksperturjengo si te lel decizija pal e prizurja

O anava le membrurjenge andar o žuro:

- Isaac Blake (dansatori, koregrafo, Direktoro katar Romani Kulturalo & Artengi Kompania andar o Cardiff)
- Rosamaria Kostic Cisneros (dansatorka, historika pal danso thaj kritiko, membro pal rodipe ke Coventry University's Centre for Dance Research)
- Belen Maya (Spanikani flamenko dansatorka, koregrafa thaj edukatorka)
- Sani Rifati (bateristo, giljabno, dansatori thaj khelimasko instruktoro)
- Toby Gorniak (dansatori, Co-Fondatori-CEO katar Street Factory)
- Attila Szanto (koregrafo, dansatori thaj lidero katar o rumunikano RomaFest)

O žuro kana lela decizija pal e maj lače si te lel samate:

- Virtuoziteto ando tradicionalo vaj akanutno danso
- Kreativiteto
- Koordinacija
- Ritmo
- Originaliteto
- Demonstracija pal o barvalipe le romane khelimasko thaj talento

Palutni data bišalimaski

E videourja šaj te oven bišalde katar o 8-to Juni 2020, **ži k-o 30 Juni 2020, 18:00 ceaso CET.**

Rugisaras tumen te len samate kaj e videourja bišalde pal kadaja data našti te oven akceptisarde.

E maj lače si te žanen pes ando **20 Juli 2020** thaj e love si te bišalen pes karing o anglunipe le Avgustosko!

¹ Kana les kotor ke online kompeticija, des tiro lav kaj o ERIAC si te inkerel tiro kontakto te šaj bišalel tute maj dur informacije thaj šajmata. O ERIAC na-i te del averenge informacije pal tute.